



ル 5
3143
3



門 儿 5
3143
卷 3

偃師縣志卷四

翰林院編修孫星衍

同纂

偃師縣知縣湯毓倬

陵廟記

商湯陵在縣東八里

括地志洛州偃師縣東六里有湯冢近桐宮蓋此是也太平寰宇記偃師縣湯王陵坑在縣東北山上八里明一統志成湯陵在縣東北山上
星衍按湯冢有二一在商邱一在偃師漢書注臣瓚曰湯居亳今濟陰是也今亳有湯冢已氏有伊尹冢皆

傳近也史記集解裴駰引皇覽曰湯冢在濟陰亳縣
北東郭去縣三里冢四方各十步高七尺上平處
平地濟陰亳縣卽今商邱也括地志云薄城北郭東
三里平地有湯冢按在蒙卽今亳也蒙亦商邱說與
臣瓚皇覽同又云洛州偃師縣東六里有湯冢近相
宮蓋此是也攷晉太康地記云尸鄉南有亳坂東有
城太甲所放處雖不言湯冢而太甲所放實于湯葬
地是晉時已有湯陵爲在偃師者故魏王泰特引相
宮証之非無據矣蒙縣之冢水經注謂之王子喬
冢側有碑題云仙人王子喬碑則臣瓚皇覽之

傳所破偃師旣是西亳湯都所在則葬處亦宜在此
雖漢人不言自可因太康地記尸鄉有城太甲所放
處求之若諸譌傳之湯冢一在右扶風徵皇覽所云
漢哀帝建平元年大司空御史長卿按行水災因行
湯冢在漢屬右扶風云云水經辨其爲秦之亳王號
湯者是已一在寶鼎太平寰宇記據後魏太和中
縣人張恩破陵求貨得銘云云乃是小說家言更與
史傳不合一在虞城後人以桐宮卽桐地遂云湯陵
在是尤委巷之談一無証據者矣今祭汾陰湯冢者
蓋承宋乾德四年祀典之舊卽寶鼎之冢古聖王精

靈無所不在雖非葬處以為祠焉可也若攷書傳所云則當以在商邱及偃師者為是商邱之冢猶或辨為王子喬所葬惟偃師東北山所謂湯陵者去城七八里古冢巍然樵夫牧豎皆指為湯王葬處云

中宗陵在縣東

史記帝太戊立亳有祥桑穀並生於朝一暮大拱又云殷復興故稱中宗

星衍按通志中宗陵在城東疑即殷中宗後人譌為唐中宗者攷商自湯遷西亳外丙仲壬太甲沃丁太庚小甲雍已太戊皆都於是太戊時亳有祥桑穀其

生於朝正是其証太戊子仲丁始遷於陽

陵父老相傳或得其實也

魏文帝陵在縣北二十五里首陽山

魏志黃初三年冬十月甲子表首陽山東為壽陵北年六月戊寅葬首陽陵

太平寰宇記偃師縣魏文帝陵在首陽山南

通志在縣城北二十五里首陽山

文帝郭后陵

魏志后妃傳文帝郭皇后終於許昌以終制營陵三月庚寅葬首陽陵西

唐孝敬皇帝太子宏陵在縣南景山上

劉昫唐書高宗紀上元二年秋七月辛亥洛州復緱氏縣以管孝敬皇帝恭陵

又列傳孝敬皇帝宏高宗第五子也上元二年太子

從幸合璧宮尋薨諡為孝敬皇帝其年葬於緱氏縣

景山之恭陵制度一準天子之禮高宗親為制獻德

紀并自書之于石樹于陵側

太平寰宇記緱氏縣有恭陵唐孝敬皇帝陵在縣東北五里

星衍按通志誤為敬宗陵陝西通志又據長安志

宗葬在三元原駁之亦不知是太子宏陵今縣圖經

云太子陵是也

唐昭宗和陵在緱氏鎮東北五里

劉昫唐書天祐元年八月壬寅朱全忠弒昭宗於椒

殿二年二月己酉葬於和陵

唐書地理志緱氏有和陵在太平山本懷來山天祐

元年更名

太平寰宇記緱氏縣唐昭宗陵在縣東北五里

古中宗陵在縣東或云唐中宗非也當在陝西富平疑

此是殷中宗

通志中宗陵在偃師城東

星衍按元和郡縣志云富平縣中宗定陵在縣西北五里龍泉側宋敏求長安志文獻通考亦同則云在此者誤也太平寰宇記明一統志偃師亦無此陵蓋近時方志之誤或以王禰冢當之據太平寰宇記王禰墓當在縣南不在縣東但冢甚大非常所葬不知何代陵耳攷商自湯都亳至帝仲丁始遷于傲則此或是殷中宗大戊陵中宗時有祥桑穀生朝亦正在亳其葬卽在所都之地父老相傳或得其實也

商伊尹墓在縣西十里

史記帝沃丁之時伊尹卒既葬伊尹于亳

括地志伊尹墓在洛州偃師縣西北八里

太平寰宇記偃師縣伊尹墓在縣西北五里

明一統志伊尹墓在縣西

星衍按裴駟引皇覽云伊尹冢在濟陰己氏平利鄉亳近己氏括地志又云宋州楚邱縣西北十五里有伊尹墓恐非也楚邱卽古己氏當在今曹縣是伊尹墓二處皆有依據無以辨之

商伯夷叔齊墓在西北二十五里首陽山

水經注河水又東逕平縣故城北河水南對首陽山

夷齊之歌所矣曰登彼西山土有夷齊之廟前有二碑並是以漢河南尹廣陵陳導洛陽令徐循與處士平原蘓騰南陽何進等立事見其碑

明一統志伯夷叔齊墓在縣首陽山

按水經注稱偃師首陽山爲夷齊之歌所是卽其死處也又云有漢碑則其說古矣而裴駙史記集解引馬融曰首陽山在河東蒲坂華山之曲河北之中水經注又云引闕駟十三州志曰獨頭山夷齊隱所也山南有古冢陵柏蔚然攢茂邱阜俗謂之夷齊墓是謂蒲州之山張守節史記正義據莊子云伯夷叔

西至岐陽見周武王伐殷云云謂是今渭源首陽山在岐陽西北明卽夷齊餓死處也又據曹大家注幽通賦云夷齊餓於首陽山在隴西首陽是亦謂渭源之山此三說者一本漢碑一由裴駙一推莊子之說各有依據若因孟子云伯夷避紂居北海之濱謂是遼西首陽其說最爲不經矣

周襄宏墓在縣東十里化邨西北山上

史記集解皇覽曰宏冢在洛陽東北山上

明一統志襄宏墓在縣境

星衍按皇覽云宏冢在洛陽東北山上今在偃師東

者疑魏已省偃師入洛陽晉始因之不可以此謂今
宏冢非實也今墓在化邨俗云以宏血化碧而名
浮邱冢

宋政和四年張樾碑記崧高之下曰緱氏山距山不
遠遺冢具存民俗傳爲浮邱藏劍之所

齊田橫墓在縣西十里

史記田儋列傳田橫廼與其客二人乘傳詣洛陽未
至三十里至尸鄉廢置遂自剄令客奉其頭從使者
馳奏之高帝發卒二千人以王者禮葬曰橫旣葬二
客穿其冢旁孔皆自剄下從之

史記正義齊田橫墓在偃師縣西十五里

太平寰宇記偃師縣田橫墓在縣西二十里

通志田橫墓在縣城西

比干墓在縣西北十五里或曰殷比干非也殷比干墓
在汲縣

太平寰宇記偃師縣比干墓在縣西北一十五里

薛尚功鐘鼎欵識有比干銅盤銘云唐開元中偃師
縣主人耕地得此盤篆文甚奇古

星衍按史傳俱云殷比干墓在汲縣有後魏碑碣存
焉宋人因銅盤以爲在此又云鳳翔皆誤也或以偃

師比干墓為是漢何比干庶幾近之故列於漢墓之後

後漢桓榮墓在縣首陽山

後漢書列傳榮卒帝親自變服臨喪送葬賜冢塋于首山之陽注首陽山在偃師縣西北

後漢祭遵墓

毓倬按後漢書遵卒無子帝追傷之以弟彤為偃師長使近遵墳墓四時祭祀遵墓當在縣東西惜無可攷今存其名舊志載祭彤墓失攷亦不忘前哲之意也

百主墓在緱氏保北

太平寰宇記緱氏縣百主墓在縣脫一十里後漢書

獨行傳云周暢字伯持性仁慈為河南尹永初二年

夏旱久禱無應暢因收葬洛陽傍客死骸骨萬餘人

于洛陽北傳作洛陽傍客死骸骨凡萬餘人應時澍雨歲乃登傳作豐稔

今墓有千數皆相類對列成行在洛城之東而北近

洛水即周暢之遺阯也今號百主墓

魏鍾繇墓在縣東八里

太平寰宇記偃師縣鍾繇墓在縣東八里

明一統志鍾繇墓在縣城東

魏王弼墓在縣南三里

水經注陽渠水又東逕亳殷南其澤野負原來郭多墳隴焉卽陸士衡會王輔嗣處也袁氏王陸詩叙機初入洛次河南之偃師時忽結陰望道左若民居者因徃逗宿見一少年姿神端遠與機言元機服其能而無以酬折前致一辨機題緯古人綜檢名實此少年不甚欣解將曉去稅駕逆旅姬曰君何宿而來自東數十里無邨落止有山陽王弼墓機乃怪悵還睇昨路空野蕘雲攢木蔽日知所遇者審王弼也

太平寰宇記偃師縣王弼墓在縣南三里

明一統志王弼在縣城西

星衍按今墓在縣城東太平寰宇記云在南者字之誤也童鈺據水經注云當在縣西尸鄉記言金元以後所立墓碑非其實也不知太平寰宇記已不言其在縣西矣

晉杜預墓在縣西十三里

晉書列傳預先爲遺令曰吾去春入朝因郭氏喪亡緣陪陵舊義自表營洛陽城東首陽之南爲將來兆域而所營中有小山上無舊冢其高顯雖未足比邢山然東奉二陵西瞻宮闕南觀伊洛北望夷叔曠然

遠覽情之所安也故遂表樹開道為一定之制至時皆用洛水圓石開隧道南向儀制取法于鄭大夫欲以儉自完耳棺器小歛之事皆當稱此子孫一以遵之

通典偃師有晉當陽侯杜元凱墓在西北

太平寰宇記偃師縣杜預墓在縣西北山上二十里又云在首陽山南

明一統志杜預墓在首陽山南又云在縣西北

通志杜預墓在洛陽城東首陽山南一在偃師一在尉氏者俱誤

星衍按今縣西十餘里土樓村有杜預墓準以太平寰宇記在縣西北山上二十里之說則非實也

毓倬按當陽侯墓今為濶其兆域共地一畝四分零

晉劉韜墓

晉故使持節都督青徐諸軍事征東將軍司關中侯劉府君墓志二十餘年前掘井出之云君諱韜字泰伯孝處士君之元子也夫人沛國蔡氏凡四十七字

鄭豪墓

晉鄭仲林墓

水經注休水又逕延壽城南休水又西轉北屈逕其

城西水之西南有司空密陵光侯鄭袤碑文缺不可復識又有晉城門校尉昌原恭侯鄭仲林碑晉太始六年立

星衍按今當在滑城河之南

宋王康墓在偃師城西

毓倬按宋書王鎮惡本傳鎮惡弟康高祖以爲相國求還洛陽視母關陝不守康集義徒共保金鏞城堅守六旬諸寇各奔散高祖嘉康節封西平縣男永初元年卒金鏞葬偃師城西追贈輔國將軍

後魏李超墓

李超懷令李君墓志武泰元年正月立今移置學宮

後魏李冲墓在覆舟山

毓倬按魏書本傳冲累官至右僕射留守洛及卒謚曰文穆葬于覆舟山近杜預冢從高祖志也後車駕自鄴還路經冲墓左右以聞高祖卧疾望墳涕泣久之

後魏韓延之墓在柏谷塢

韓延之傳初延之曾往來柏谷塢省魯宗之墓有終焉之志謂子孫云河洛三代所都朝廷必有居此者我死不勞向北代葬也可卽就此子從其言遂葬宗

之墓次延之後五十餘年而孝文徙都其孫數家卽
居于祖墓之北柏谷塢

毓偉按通志以延之墓在府城北洛陽無所謂柏谷
塢宜載偃師

後魏馮熙墓在縣西三十里

舊志在鳳凰山上劉家坡保內今有碑又云人以爲
馮異非也熙三世后戚以功封昌黎王爲洛州刺史
有功德于民故廟祀之

唐武三思墓在緱氏保西南十五里

太平寰宇記緱氏縣武三思冢在縣西南十五里

顏真卿墓在縣北卽山

米芾書碑陰公之使賊也謂餞者曰吾昔江南遇道
士陶八八授以丹圭碧霞服之可不死且云七十後
有大厄當會我于羅浮後公葬偃師北山有賈人至
南海見道士奕託書至偃師顏家及造訪則塋也守
冢蒼頭識公書大驚冢人卜日開壙棺已空矣

明一統志顏真卿墓在縣北卽山

通志在城西寺庄保

星衍按通志與明一統志不合云縣西蓋誤也今在
縣東北山下

唐許遠墓在縣西寺庄保

明一統志許遠墓在縣西

乾隆十五年庚午九月三十日

皇上巡幸嵩嶽遣吏部右侍郎彭啟豐致祭 墓歲久

地狹隘無展祀所知縣湯毓倬捐廉買民間地濶其

兆域樹碑識焉

唐杜甫墓在縣西土婁村

明一統志杜甫墓在縣首陽山

通志杜甫墓在土婁村元和八年元微之志其墓

毓倬按劉昫舊書甫本傳載宗武子嗣業遷甫之柩

歸葬於偃師縣西首陽山之前唐元稹甫墓志亦云

啟子美之柩襄耐事於偃師耐者耐當陽侯墓也是

甫墓在偃師土樓毫無疑義自府志有鞏人與事遂

沿司馬溫公詩話偶誤專載入鞏縣墓類駁稹耐葬

偃師爲江陵途次懸擬之辭豈舊唐書亦不可据耶

嗣業數千里乞丐焦勞遷柩歸葬豈不知其祖平日

不忘本不忘仁之言耐葬以慰泉壤廼去土樓咫尺

遷就葬鞏違祖遺志悖元公襄耐之言斷無是理紀

載宜据實秉公而徇私迴護若此殊可浩歎 杜公

墓乾隆初年爲村民侵爲麥地邑令朱續志訪出造

登樹碑載藝文志閱四十餘年今復彫削毓倬向村
民購潤兆域廣輪共地二畝六分三厘九毫崇封環
墻前開墓道并樹碣通衢修而不廢是所望於後之
君子

唐畢氏先塋在縣東南十里景山北

昌黎文集唐故河南府王屋縣尉畢君墓志銘畧云
畢憬之子構累官至吏部尙書是爲景公景公生炕
爲廣平太守抗安祿山城陷覆其宗贈戶部尙書生
垆垆從葬偃師之上婁

縣圖經景山北有畢氏先塋去縣十里休水逕其南

欽賜一品頂帶兵部侍郎兼都察院右副都御史河
南巡撫部院兼提督銜畢沅重加修護

唐王光謙墓在切山之陽

文苑英華權德輿撰神道碑畧云光謙贈右僕射葬

于河南府偃師縣切山之陽

唐趙憬墓在景山原

文苑英華權德輿撰神道碑畧云太子太傅貞憲趙
憬窆于河南緱氏縣景山之原

舊志正議大夫同中書門下平章事成紀縣開國男

貞憲趙憬墓在縣北卽山上

唐崔陞墓

文苑英華贈太師崔陞神道碑云葬于成周之偃師從世墓也

鄭樵通志金石畧西京有贈太子少師崔公碑

舊志劉禹錫撰碑柳公權書

唐武就墓

文苑英華權德輿撰神道碑畧云貞元六年就卒以明月之晦降體魄于卽山北原有靈鶴百數個徊翔嘹唳後改葬緱氏潁川王之兆從先封以叙昭穆禮也

通志金石畧有鄭餘慶書贈吏部尙書武就碑

唐劉知柔墓在景山原

文苑英華李邕撰神道碑畧云開元十一年薨于東都康俗里制曰簪纓舊德植幹通才宜寵贈章式旌泉壤可贈太子少保諡曰文葬于河南府緱氏縣景文山源禮也

唐王同晙墓在首陽南原

文苑英華孫逖撰神道碑畧云皇上以公春華秋實之稱著于兩宮故贈以太子詹事節終之禮厚莫重

焉有司以公天經地義之德冠乎百行故諡之曰孝
易名之典善莫大焉

通志金石畧有蔡有鄰書贈太子詹事王同暉碑

唐王太僕墓

文苑英華張九齡撰太僕卿上柱國華容縣男王府
君墓志畧云薨于洛陽之陶化里葬于偃師之某原
却倚首陽前瞻洛汭豈伊瑕邱之樂並取邢山之兆

唐李贊善墓

文苑英華常袞撰墓志畧云西涼有武昭之謚後魏
有姑臧之封祚于我唐親則同姓開元中李商隱表
公清白遷太子右贊善終于東京崇政里葬于偃師

縣東姑臧公之塋次

唐裴御史墓

文苑英華穆員撰墓志畧云嗚呼有唐君子河東府
君之墓元魏河北太守萬虎兄弟三人時稱三虎並
仕于魏魏都河洛故裴氏始有中眷之號八代孫爲
監察御史卒葬于首陽山之陽

唐馬秘監墓

文苑英華李翱撰墓志畧云公諱某字虛符官秘書
少監又加史官修撰以纂錄自樂爲事撰歷代紀錄

類史鳳池錄纂寶折桂錄新羅紀行將相別傳及所為文總四百八十卷卒葬于偃師從先塋也

唐邢渙思墓

文苑英華杜牧撰墓志畧云亡友邢渙思諱羣仕歛州刺史為治急於束縛黜吏冗事弊政不以久遠必務盡根本卒於東都思恭里葬於偃師某原

唐元盛墓在首陽山北原

文苑英華穆員撰墓志畧云河南兵曹元公盛卒於東都綏福里葬於偃師首陽山之北原

唐徐申墓

文苑英華權德輿撰墓志畧云東海郡開國公贈太子少保徐公寧神於偃師縣之某原

唐盧東羨墓

昌黎文集攷工員外盧君墓銘畧云盧君東羨有友四人天下謂之夔墓在河南緱氏縣梁國之原

唐房武墓在縣土婁村

昌黎文集興元少尹房君墓誌畧云房故為官族自太尉瑄以德行為相世號為太尉家公會祖太尉之叔父也父諱武與夫人合葬河南緱氏之高龍原

唐張圓墓在土婁村

昌黎文集河中府法曹張君墓志銘云葬偃師

唐竇叔向墓在縣西二十里蔡庄保

通志金石畧西京有竇叔向碑姪昌直書又有羊士
諤撰竇叔向碑竇易直書

通志墓在偃師縣西石橋保叔向左拾遺持節舒州
諸軍事

唐竇牟墓

昌黎文集故朝散大夫越州刺史薛公墓誌云葬於
河南偃師縣先人之兆次以甫氏夫人祔

唐徐嶠之墓

通志金石畧西京有徐浩書治州刺史徐嶠之碑

金石攷墓碑天寶八年李邕撰在偃師

唐徐浩墓在縣西十六里溝口頭

通志金石畧西京有彭王傳贈太子少師徐浩碑次
子峴書

中州金石攷墓碑貞元十五年張式撰在偃師

唐武登墓

通志金石畧西京有江陰縣令武登碑長慶三年

唐董晉墓在治西南經州寨西

毓倬按文苑英華載權德輿撰晉神道碑畧云尙書

唐

陵廟記

款

左僕射宣武軍節度使葬於河南縣萬安山之原府志因入洛陽縣陵墓內今於經州寨西訪出唐贈太傅董公神道碑應改載偃師詳後金石錄

唐張延賞墓在治西南經州寨西

毓倬按唐書延賞中書侍郎同平章事贈太保其神道碑今自經州寨西得之詳後金石錄

唐武儒衡墓

李習之全集兵部侍郎贈工部尚書武公墓誌銘云父登江陰令贈禮部侍郎公之喪歸祔河南緱氏禮部先公之墓次

唐陳憲墓

唐開元十四年太子賓客陳憲墓誌葬於偃師縣龍池鄉之北原附先塋

唐趙道光墓

通志金石畧西京有洪州錄事參軍贈州刺史趙道光碑

墨池編唐緱氏有趙道光碑

唐趙昌墓

通志金石畧西京有歸登書少保趙公碑
金石攷趙昌墓碑在偃師

唐李衆墓

通志金石畧西京有裴潏書左散騎常侍致仕李衆碑

唐顧少連墓

通志金石畧西京有張宏靖書兵部尙書東都留守顧少連碑

唐徐昕墓

通志金石畧西京有韓擇木書萬年縣令徐昕碑
金石攷墓碑大歷四年韓雲卿撰在偃師

唐李固言墓

叔瓚中州金石攷贈太尉李固言碑大中六年李珣撰在偃師

唐許康佐墓

金石錄偃師禮部尙書許康佐碑書撰人姓名殘缺
唐崔邱墓

金石攷墓在偃師

唐裴曹墓

金石攷墓碑在偃師

唐李巽墓在緱氏保之田鄉

金石攷權德輿所撰右僕射李巽墓銘在偃師

傳聞集記 卷四
唐蔣煥墓在縣西北三里

舊志汝南縣開國公贈太子太師蔣煥墓大歷十三年葬崔祐撰銘

唐崔廣墓

金石攷李孝嗣所撰臨洛縣尉清河崔廣墓銘在偃師

唐盧顓墓在景山

舊志見盧顓所撰許州參軍盧顓墓銘在偃師

唐李珪墓在縣西北

通志墓在偃師縣西寺莊保珪莊陽節度使贈司空

唐燕欽融墓

唐書中宗紀景龍四年五月丁卯殺許州司戶參軍燕欽融

宋燕府君神道碑畧云宋神宗時人世居范陽來偃省十一世祖唐許州司戶參軍燕欽融墓宋人建會聖宮逼近墓內遷於靈龜山東北去周萇宏墓七百九十一步西去王弼墓十五里十三步

毓倬按燕欽融墓在靈龜山麓舊碑皆佚墓亦湮沒裔孫居楊村者展謁無所其前爲土人楊姓耕地因

傳自縣志 卷四 三
與構訟余親詣查勘墓雖鐘半形蹟猶存與宋神宗
時燕府君碑記中所載東西去萇宏王弼墓步數相
合楊姓俛首愧悔姑宥其罪清其禁厲更以錢買他
姓地稍濶羨道崇封樹碣永表千載使忠魂毅魄有
所憑依焉

唐范陽太君盧氏墓

杜工部全集盧氏墓志畧云故修文館學士著作郎
京兆杜府君諱某^審言之繼室范陽縣太君盧氏卒於
陳留郡之私第歸葬於河南之偃師入著作之大學
在縣首陽之東原我太君用甲之穴禮也墳南去太
道百二十步奇三尺北去首陽山二里塋內西北去
府君墓二十四步則壬甲可知矣

唐張全義墓在縣西南三十里

通志張繼祚墓在高龍保繼祚忠武將軍節度使贈
太師諡忠肅

毓倬按廼張全義墓非繼祚通志誤也其墓碑在縣
西南經州寨今訪出全義忠武軍節度使贈太師齊
王諡忠肅與史合

唐蔣挺墓在縣西北三里

舊志挺延州刺史贈揚州大都督

唐魏宏簡墓在縣西

舊志宏簡戶部郎中

唐褚遂良墓

河南府志按舊志偃師縣有唐褚遂良歷代墓偃志辨曰唐書本傳遂良貶死愛州卽窆於彼二男一孫祔咸通九年詔訪其護喪歸葬陽翟唐人有詩紀其事卽謂在偃者爲遂良先世祖塋又攷其父亮傳亮父玠曾祖湮世爲杭人皆有名梁陳間亦無北葬之說

唐侯公墓在縣西三十里石橋保

舊志開府儀同三司太子太師上柱國公齊國名未詳

唐黃公墓在縣西南三十里高龍保

舊志宣武節度使上柱國贈隴西開國公黃公名未詳

馮公墓在縣西五里寺庄保

舊志上書令中書柱國封陳國馮公名未詳

劉公墓在縣西三十里石橋保

舊志永興年節度使劉公名未詳

唐穆寧墓在首陽山北原

舊志子員誌

唐裴浩墓在首陽山北原

舊志處士穆員誌

唐穆若愚墓在首陽山北原

舊志殤子穆若愚墓穆員銘

唐穆公夫人裴氏墓在首陽山北原

舊志秘書鑿穆公夫人裴氏元堂墓子穆員志

唐僧元奘墓在緱氏白鹿原

見通志

五代葛從周墓在槐樹村西

真明二年張璠書葛從周碑云歸葬於偃師縣亭

鄉

星衍按今土人或誤呼為淮陰侯墓

宋劉絢墓在縣北切山原

宋史絢字質夫事二程先生

舊志絢太學博士元祐二年葬

宋尹副使墓

金石攷偃師有崇信軍節度副使尹公墓表至和元

一年韓琦撰

宋朱光庭墓在縣西切山之陽

舊志云

宋范祖禹墓在縣東洛南鄉土中村天池原

通志宋范祖禹墓在縣南洛南鄉土中村

河南志史稱祖禹貶昭州流寓安置永州徙賀州又徙賓化而卒其葬偃師無可攷

舊志正德間有人毀其墓志云

金程德元墓在縣南三十里官莊村

舊志德元少中大夫其子臺諫御史震凡四世三十人墓俱祔葬于此有雷淵

元好問王思廉所撰碑

金程夢溫墓在蔣村

續通志夢溫嘉議大夫

金陳用忠墓在蔣村

續通志用忠秘書監丞

元程震墓在縣緱氏保東程家村

元遺山集御史程君墓表畧云震字威卿父德元用君貴封大中大夫雷內翰淵述世德之舊脩矣子八人君其三子卒祔于金昌府芝田縣某里大中君之新塋禮也

元陳天祥墓在縣西南四十里蔣村

通志天祥中書省平章諡文忠

元李景昌墓在縣西五里寺莊保

舊志景昌光祿大夫贈梁國公有碑

元陳孟温墓在蔣村

元陳用忠墓在蔣村

舊志陳思忠墓

元伯顏忽都墓在縣東十里後屯村

毓倬按後屯村有碑額露大元二字餘埋土中別

碑載故資善大夫燕南河北道肅政廉訪使伯顏

都公之墓至正十三年夏五月日

明楊禮墓在大口村

舊志禮洪武年間都察院都御史

明高資墓在白雲山陽

通志資紹興府知府

明高進墓在白雲山陰

通志進秦府長史

明高斐墓在白雲山陰

通志斐工科給事中

明詹士華墓在治東十里

通志士華湖廣布政司右布政

明李暢墓縣南五里在楊村

通志暢吏科給事中

明景端墓在治東三里北印山麓

通志端勅封監察御史

明景仲光墓在治東三里

通志仲光山東按察司僉事

明高經墓在轅轅緱氏山陰

舊志經勅封戶部郎中

明藺芑墓在治北五里北印山上

通志芑贈奉政大夫戶部郎中

王世業墓在治西北二里北印山麓

舊志世業太原縣知縣

明韓宗儒墓在治西南三十五里沙河北岸

陳所學墓在治西五里

舊志所學寶慶府同知

明張其平墓在治東十里

通志其平巡撫真定右副都御史

明張時中墓在縣南四十里沙溝岸

通志時中贈副憲

明張蒲墓在縣西七里

通志蒲陝西參政

明趙之德墓在北郭外印山麓

舊志之德襄垣縣知縣

明高惟孝墓在縣西北三里北印山麓

舊志惟孝慶遠府知府

明郭時安墓在治西北二十里溝口頭

舊志郭時安封中書舍人

明郭如星墓在治西北獅子山下

舊志郭如星吏科掌印給事中

明邱竭墓在西郭外

舊志邱竭山東蒙陰人卒官于孫家 遂葬此

王可久墓

舊志可久桂陽州知州

明馮恂墓在治西六里

舊志恂陝西臨洮府同知

明張其治墓在治東二里

舊志其治平定州知州

明武大寧墓在治西北二里

舊志大寧陝西臨洮府通判

明史可述墓在治西北印山上

舊志可述鳳陽府同知

明蘭完植墓在北邙山上

舊志完植衡州府知府

國朝

河神黃大王守材墓在萬安山下

通志守材偃師人乾隆三年

勅封靈佑襄濟之神

王鐸墓在治東二十里石家莊

舊志鐸孟津人

贈少師禮部尙書諡文安

張岳墓在治南二十五里龍尾坡

舊志岳福建泉州總鎮

張鈞墓在治西北五里北邙山麓

舊志鈞江南松江府知府

蔣獻徵墓在治東北五里邙山上

後遷葬治西南二十里景山之陽

舊志獻徵

贈行人司行人

張光宙墓在治西五里

舊志光宙

旌表孝子

張爾統墓在治西五里

舊志爾統國子監助教

姬周嗣墓在治北卽山上

舊志周嗣

贈江南鶴邱縣知縣

蘭挺達墓在治東北卽山上

舊志挺達吏科都給事中

王德顯墓在治西北三里北卽山麓

舊志德顯平陸縣知縣

董丕起墓在治南蔣村原

舊志丕起沙河縣知縣

張杞墓在治西六里

舊志杞永寧州知州

姬之簋墓在治西北埵頭坎

舊志之簋戶部主事

李向芝墓在治北五里

舊志向芝宣平縣知縣

陶穎章墓在治西三里卽山南

朱志穎章偃師邑丞浙江會稽人卒于官貧不能歸
籍遂家焉葬此

武朝龍墓在治西北五里槐廟坡上

朱志朝龍

贈文林郎江南東流縣知縣晉

誥贈奉政大夫吏部驗封司郎中

王繼世墓在治東四里

朱志繼世

贈武德將軍山東安東衛守備

喬廷謨墓在治東南四十里萬安山下

朱志廷謨歸德府教授

封文林郎富平縣知縣

王呈瑞墓在治南三十里大屯寨

朱志呈瑞蓬萊縣知縣

楊烈女墓在堤兒頭東二里

武紹周墓在治北五里槐廟坡上附其父朝龍墓

府志紹周吏部驗封司郎中

壇

社稷壇在縣西南一里

風雲雷雨山川壇在縣南一里

先農壇在縣東二里

厲壇在縣北一里

王子喬壇在緱氏保東南五里

太平寰宇記緱氏縣王子喬壇在縣東南五里

廟

城隍廟在城東門內

關帝廟在城西門內

旗纛廟在縣西一里

八蜡祠在縣西一里

舜廟在縣西北二十里

太平寰宇記偃師縣舜廟在縣西北二十里

縣圖經舜廟在縣西北十里

毓倬按舜廟今在首陽山絕頂人或以為伯夷叔齊

廟又以為鄭食其廟攷太平寰宇記則舜廟原有之

二廟或即在其左右近地耳

湯祠在縣東三百四十八步

劉昭注國郡志偃師縣皇覽曰有湯祠

太平寰宇記偃師縣湯王廟在縣東三百四十八步

周王廟在縣西二十五里

太平寰宇記偃師縣周王廟在縣西二十五里

府志文王廟在縣西北卽山麓

漢高祖廟在緱氏保南

魏文帝廟在縣西北十八里

太平寰宇記偃師縣魏文帝廟在縣西北十八里

啟母少姨廟在縣西南二十五里

太平寰宇記偃師縣啟母少姨廟在縣西南二十五里又緱氏縣廟在東門外

湯王聖母廟在縣西三里

太平寰宇記湯王聖母廟在縣西三里

薄妃廟在縣西十五里

太平寰宇記偃師縣薄妃廟在縣西一十五里

明一統志薄太后廟

星衍按太平寰宇記云薄妃或是高辛之妃今廟

有辛莊村亭古本作薄字後人改作薄太后廟疑誤也

毓倬按今祀薄太后為驅蝗之神不知何所據

皋繇祠在縣北

劉昭注郡國志偃師皇覽曰北有皋繇祠

伊尹祠

通志在墓前

夷齊廟在首陽山上

水經注河水南對首陽山上有夷齊廟二碑並是

漢河南尹廣陵陳導洛陽令徐循與處士平原蘓騰南

陽何進等立事見其碑

史記正義載延之西征記洛陽東北有首陽山有夷齊祠今在偃師縣西

太平寰宇記偃師縣首陽山上有夷齊祠

周公廟在首陽山

水經注首陽山有周公廟

洛陽伽藍記首陽舊有周公廟世隆欲以太原功此周公故立此廟廟成爲火所焚

劉昫唐書王世充傳李密破化及還其勁兵良馬多戰死士卒疲倦世充欲乘其弊而擊之恐人心不一乃假託鬼神言夢見周公乃立祠於洛水遣巫官周公欲令僕射急討李密當有大功不則兵皆疲死唐開元二年賈口義撰周公祠碑畧云按圖經云後人懷缺恩所置也負陽岑之巖險谷之縈紆

星衍按唐碑舊在縣西石橋保俗呼其地爲廟臺今移置學宮

王子晉祠在緱山上

水經注撫父堆上有子晉祠或言在九山非此世代已遠莫能辨之

劉昫注唐書本紀聖歷二年二月戊子幸嵩山王子晉廟丙申幸緱山

明一統志子晉廟在縣東南

仙人祠在縣東南

地里志緱氏有仙人祠

水經注休水又逕延壽城南卽緱氏城也城有仙人

祠謂之仙人觀

酈食其廟在縣北首陽山

水經注陽渠水又東逕漢廣野君酈食其廟南廟在

北山舊基尙存廟宇東向門有兩石人對其北倚北

石人胸前銘云門亭長石人西有二石闕雖經釁毀

猶高丈餘闕西卽廟故基也前有碑文字剥缺不復

許太守祠在許遠墓前二百餘步

毓倬按祠不知何時建俗稱府君廟查出明邑令遲

煊庭柱殘聯中用唐史羅雀捕鼠事是遠祠或遲所

建因懸以額曰唐許太守祠

仙鶴觀在縣東南太子陵上

太平寰宇記緱氏縣仙鶴觀在縣東三里

晉李石續博物志天寶中河南緱氏縣太子陵仙鶴

觀每年九月三日夜有道士一人得仙已有舊例至

日具姓名申府張竭忠爲令不之信陰令二勇士執

兵覘之至三更有一黑虎來入觀銜一道士射之不
中棄道士而去令於是申府請弓矢大獵石穴中
殺數虎或金簡玉錄冠帔髮骨甚多其觀遂廢為陸
使之居

王仙君廟在緱氏保東

太平寰宇記緱氏縣王仙君廟在縣東

九江娘子廟在緱氏保南八里

太平寰宇記緱氏縣九江娘子廟在縣南八里

百主神廟在緱氏保南八里

太平寰宇記緱氏縣百主神廟在縣南八里

聖衍按此卽漢周暢所葬百主神墓後人爲立廟也

東嶽廟在治西南

泰山廟二一在縣東三里一在緱氏保東

澹瀆行祠在縣城外西北隅

中嶽行祠在縣高龍保宋政和二年建明洪武間縣人

孫成甫修

五龍廟在縣東十五里

二龍廟在縣北卽山麓有黑白二龍潭水常不竭禱雨
有驗

金龍四大王廟三一在縣西南油房莊一在縣東孫家

灣一在縣西南韓家村

勅封靈佑襄濟河神黃大王廟在縣南十里王家庄

續通志黃大王名守材字英傑偃師人幼時落水皆

無恙後築埽治河屢著奇績生於萬歷十一年十二

月十四日卒於康熙二年十二月十四日乾隆三年

勅封靈佑襄濟王並祀金龍四大王廟毓倬謹按乾隆

四十五年二月二十三日奉

上諭大學士阿桂等奏豫省河神最著者為靈佑襄濟

王黃姓河南偃師人從前已受勅封擬為修墳種樹

並請于其子孫中賞給奉祀生一人等語著照所請

交該撫榮柱于其子孫內擇一人作為奉祀生世傳

勿替欽此今其承祀者為裔孫黃天德乾隆十七年

奉文建家廟載入祀典每年十二月十四日有司致

祭

古聖賢廟在縣東三里

馮王廟在縣義井舖俗曰馬王廟

毓倬按馮王廟即北魏平等寺也寺重修于北齊太

宰馮翊王高潤見平等寺碑土人誤稱馮翊為馮異

遂呼為馮王廟又去兩點旁曰馬王廟廟中有明時

人碑遂述馮異事矣鄙可哂

盧醫廟在緱氏保西北
褚公祠在縣東三里

毓倬按唐書宰相世系表褚氏出自宋其公子石食采於褚自漢褚少孫裔孫重始居河南陽翟晉時安東將軍翊始徙丹陽八世至亮唐書亮傳稱亮父玠祖湮世系表作澹皆錢塘人是其先並無居緱氏之事自史載遂良自愛州窆所歸葬陽翟亦應在禹州不知誰何有遂良墓在緱氏之說舊志明副使李一元褚僕射廟碑記遂稱巡撫遲公謂緱氏爲僕射生長地又謂僕射世居緱氏陽翟其別支與唐書及世系表大相刺謬不足徵信遲與李俱嘉靖時郡案冊載褚氏奉祀生卽始於萬歷三十四年四二代孫應強承祀至今殊無依據今又有謂府店爲遂良祖墓者輾轉附會余索觀其家譜系遂良子孫孫褚璆擢五代孫繼勳自杭州遷汝州疑禹州其後遷陝州鞏縣孟縣汜水嵩縣偃師洛陽不一其地攷宏簡錄遂良子彥甫彥冲愛州殺之文宗錄五世孫虔爲臨汝尉又稱曾孫璆字伯玉擢進士第拜監察御史與今譜系世代相參差不合璆擢之名亦謬則其譜並可疑僕射公大節昭著千古卽凡褚氏別支

遷徙他鄉者亦宜奉祀但遂強稱其墓在緱氏並附會由偃師遷陽翟其先生長偃師則臆說耳

唐杜少陵先生祠堂在城西五里堡

毓倬按前朱續志建杜工部祠堂記當陽侯墓前有杜公祠鄉民改祀土穀神欲復其舊不可迺於西五里堡專建祠三楹祀工部兼祀當陽侯前臨澗橋過者易識後洛水瀑漲棟宇彫剝且陜以袤久圯於水毓倬至祠前俯仰周眺愀然久之見祠西數武有鄉民新建茶亭碣基崇三尺餘水不能害博絡足蔽風雨棲神靈爰改作祠堂指新龕木主同祀焉以舊僧奉香火去土婁村墓四里而近兼可守塋兆雖難比浣花杜曲之壯濶而高賢韻士停軒瞻拜亦可少抒仰止之忱焉

呂公祠在縣東三里

崔公祠在縣東三里

王公祠在縣南王公堤內

火神廟在縣南

三官廟在縣南

二郎神廟在縣南

元帝廟三一在縣南青蘿山一在縣東一在縣西俱見

縣圖經

馮王寺在北印山

洛陽伽藍記北印山上有馮王寺

招提寺在縣南三十五里

太平寰宇記緱氏縣有招提寺

顯慶二年王行滿書招提寺聖教序今移置學宮

續通志元正七年修

柏谷塢寺西二寺

太平寰宇記緱氏縣柏谷塢西有二寺亦在原上入

谷數百步又有二佛精巧美麗有牛舂馬簸水碓之

利

緱氏三賢祠在緱氏鎮里人戴崇等公建以祀鄉先生

杜子春李顓劉絢有碑

崇聖寺在縣西南緱氏保

通志魏武平間創建元至正十一年明洪武二十

一年修

普救寺在縣石橋保

續通志孝昌三年張欽建

白蓮寺在縣西南夾河保

續通志宋建隆四年建

壽聖寺在縣治南

宋熙寧二年勅賜壽聖禪院石刻在寺中

通志在縣南元至正十一年建明洪武十五年修

僧會司于內

慶寺在縣夾河保

續通志元皇慶元年建

慶寺在縣緱氏保

續通志元至正二年建

棲蓮寺在縣夾河保

續通志元至正十三年建

寺在縣牙庄保

續通志元延祐五年建

泉寺在縣東孫家庄

通志明洪武間建洪熙初修

府志龍泉寺在鄴溪中寺前有溫泉出焉水經注

謂鄴水出北山鄴溪者也每歲上巳邑人修禊

澗樹綠縹紅蕖舒錦飛閣軒敞荷欄消暑下臨

清池錦鱗游泳良勝蹟也

續傳按康熙四十四年邑令盧道悅重修建亭曰

勝為觴詠所

云雲寺在縣治南

續通志明洪武十八年修

莊嚴寺在縣西寺莊

續通志明洪武十六年修

後魏廢寺在縣西四十里湯王廟東

大魏石佛像碑在寺故址前

宋廢寺在縣楊村

宋至道間石幢在故址前

魏平等寺在今義井舖

魏倬按金石錄寺魏廣平懷所立伽藍記青陽門外

北齊廢里有平等寺北齊馮翊王高潛又增修

殿宇有平等寺碑今在偃師義井舖後田中土人俗

呼馮翊王為馮王廟名義井禪寺即魏平等寺也



